

عینی زمانده یکی خبری آکلامق ایچین دیشاری یه طوپلانان صاقاللی اشراف،
 بویوک یوزلی امرا بربرلرینه اندیشه ایله باقیشیورلردی .
 نه یانمالیدی ؟ زمان قارشیقیدی . پادشاهلری فضله کنجیدی . عیجه لری
 سر قند پادشاهی ایله طاشکنند پادشاهی محاربه یولنده ایدیلر . خصوصیه برنجیسی
 پک یاقین دی و بوخبر اونلرک کله سنی تسریع ایدم جکدی .

پدتمدی

شهاد و تقریض

تورکیه نك جان داماری [۱]

کچن هفته لر ایچنده علوم مالیه اقتصادیه متخصصلرندن موسیو یاروروسی ک (تور-
 کیه نك جان داماری) نام تورکجه جدی و مهم بر اثری چیقدی .

یاروروسی ی تورک یوردی قارئلری پک اعلا طانیلر : مجموعه مزده کی مقاله لری ایله
 تورکیه زراعتیه ، کویلیلرینه دائر پک واقفانه مطالعه لر درمیان ایدن موسی الیه ، صوک
 اثرنده ، تورکیه نك وضعیت مالیه سنی ، بورجلرینی واضح و خویلی مفصل تدقیق ایدیور
 واصلاسی چاره لری کوستریور .

استقراضلرک ، تورکیه نك استقلال مالیه سینه و بناء علیه استقلال سیاسیه سینه نه درجه
 تأثیر ایتمکده اولدیغی نظر دفته آلبیرسه ، تورکیه نك بورجلرینی تنظیم اتمک . دولته
 تازه بروح ویرمک دیمکدر . اثر ، تورکیه بورجلرینک تاریخی و صورت عقدلرینی ،
 فائضلرینی ، هر استقراضه مقابل کوستریلن تأمیناتی و بو صورتله حکومتک کوندن کونه
 آرتان اسارت اقتصادیه سنی ایضاحدن صوکرا تورکیه ده زراعتک یاقین بر استقباله پارلاق
 بر صورتده ترقی ایدم جکی حکمی ویریور و انکشاف مالی ایچون حکومتک هانکی
 صنفلری نظر دفته آلمسی لازم کله جکی کوستریور .

یاروروسک فکرینجه ، تورکیه ده کی ویرکیلرک اصلاحی و بو ویرکیلرک کویلی یه داها
 آرزومت ویره جک برشکله افرانگی . انکشاف مالی نقطه نظرندن الزمدر . فی الحقیقه اک
 مستحصل بر صنف اولان (کویلی) نك بو کونکی حالی ای ده یلدر . — بو نقطه نظره
 « تورک یوردی » نك ده اشتراک ایتمکده اولدیغی قارئریز بیلیرلر .

« تورکیه نك جان داماری » یالکیز اوقونمشله قالملی ، علوم اقتصادیه و مالیه ایله
 مشغول کنجریز بو کتایبده کوریلن اصوللرله مملکتیزک اقتصادی احوالنی تدقیق اتمک
 و بو اثرک اکسپیکلرینی اکماله و بونوع آثارک آرتماسنه چالیشمالیدرلر

ت . ی

[۱] توزیع مرکزی « تورک یوردی » کتابخانه سیدر . ۲۴۶ صحیفه . فیشانی